

選舉考一

文獻備考
三十一

共四十

東國文獻備考卷之七十四

崇政殿 校正

選舉考一

聖人先教而後舉選舉特用人之法耳自咨
采而爲賓興自賓興而爲辟召自辟召而爲
貢舉自貢舉而爲科制雖隨世損益漸不如
古其得人而共天職則一也我東選舉之法
檀箕遼邇文獻無徵三韓以降專尚武力自
勝國始選士舉官爲一王之制逮于本朝
列聖相承制作大備旣科選矣核之以銓注

既薦用矣輔之以考課以至乎武舉任子莫
不做古循格粲然可述名臣碩輔之出而贊
休明之治者雖皆以選舉進蓋本於培養之
教也猗歟盛哉作選舉考第十一凡九卷

科制一

新羅元聖王四年始定讀書出身科讀春秋左氏傳
若禮記文選而能通其義兼明論語孝經者爲上讀
曲禮論語孝經者爲中讀曲禮孝經者爲下讀若博
通五經三史諸子百家書者超擢用之前此但以射
選人至是改之

崔瀝曰唐長慶初有金雲卿者始以新羅賓貢
題名杜師禮榜至唐末凡登賓貢科者五十八
人五代梁唐又三十一人逮高麗亦貢士於宋
有王琳崔罕金成績康撫民權適金端等然所
謂賓貢科者每自別試附名榜尾元以後與中
原俊秀并舉列名金榜云新羅時金夷魚金可
紀崔致遠朴仁範金渥皆入唐登第其姓名可
考者只此而已

徐居正東文選序曰在新羅入唐登第者五十
有餘人崔致遠黃巢之檄名震天下非無能言

之士而今皆罕傳良可歎已高麗氏統三以來
文治漸興光宗設科取士睿宗好文雅繼而仁
明亦尚儒雅豪傑之士彬彬輩出

高麗光宗九年命翰林學士雙冀知貢舉試以詩賦
頌及時務策取進士兼取醫卜等業御威鳳樓放榜
賜甲科崔暹等二人明經三人卜業二人及第自是
取人之法專在科舉逐年取士無定數其法大抵皆
襲唐制冀屢典貢舉獎勵後學文風始興

雙冀周人隨冊使

來以病留王表請為僚屬冀獻議設科遂授以文柄

初命以文臣一人為知貢舉後增置同知貢舉尋

罷之景宗二年以王融爲讀卷官親試則稱讀卷
官成宗十五年改知貢舉爲都考試官明年復稱
知貢舉文宗三十七年復增置同知貢舉一人遂
爲常二府知貢舉卿監同知貢舉忠肅王二年改
知貢舉爲考試官同知貢舉爲同考試官十七年
復稱知貢舉同知貢舉

李穡曰三韓人物之盛雖不盡在於科第然由
科第之盛而一國政理之氣像益著而不可掩
矣吾東方在虞夏時史不傳不可考周封殷太
師箕子則太師之化我東人也深矣豈雙冀王

融之淺淺而爲我文風之始也哉雖然雙氏王氏誘掖後生者亦至矣所以榮華夸耀聳動一時使愚夫愚婦皆歆科舉之爲美而勉其子弟以必得之未必不自二人始也是以薰陶漸漬家家讀書取第至於三子五子之俱中焉雙氏王氏之功大矣

李齊賢曰光宗之用雙冀可謂立賢無方乎冀果賢也豈不能納君於善不使至於信讒濫刑耶若其設科取士有以見光宗之雅有用文化俗之意而冀亦將順以成其美不可謂無補也

惟其倡以浮華之文後世不勝其弊云

十五年賜金策及明經卜業各一人及第王御天德殿宴羣臣命策釋褐賜公服赴宴

景宗二年策進士御東池樓船親試放榜

進士親試始此

成宗二年命取進士臨軒覆試賜姜殷川

改名等三郎贊

人明經一人及第

覆試始此

六年行進士放榜教曰省今所舉諸生詩賦策文辭
踏駁格律猥瑣皆不堪取惟進士三人詩賦策及明
經以下諸業通計六人對義名狀一如所奏進士鄭
又玄五夜方闌二篇已就雖非卓異之才亦是敏捷

之手宜置前列用勸後來自今進士諸生不依考官
格式者勿許試取

又命自今科場除頌試以詩賦及時務策

十二年乙科丙科之下始置同進士

十五年命行文臣月課之法

穆宗三年賜明經十舉以上脫麻王親策賜及第明
經十舉不第者許脫麻取恩賜一人

恩賜
始此

七年改定科舉法先是每春月試取秋冬放榜至是
定以三月開場鎖闈貼禮經十條明日試詩賦越一
日試時務策至十日定奏科第乃開鎖其明經以下

諸業前年十一月畢選與進士同日放榜

顯宗元年國子司業孫夢周奏只試詩賦不試時務策

二年禮部侍郎周起奏定糊名試式

四年以舉人崔弘正赴舉年滿特賜釋褐

五年以石邦寶等二人赴舉度滿並賜釋褐

八年判東堂監試給暇兩大業試前三朔

十年翰林學士郭元奏除對策試以論必用禮記中義爲題

定新及第榮親式無兩親者代以侍養父母妻父母

皆無則代以伯叔父母

十五年判諸州縣千丁以上歲貢三人五百丁以上二人以下一人令界首官試選製述業則試以五言六韻詩一首明經則試五經各一機依例送京國子監更試入格者許赴舉餘並任還本處學習如界首官貢非其人國子監考覈科罪

德宗卽位始置國子監試試以賦及六韻十韻詩命右拾遺廉顯取鄭功志等六十人額無定制試官以三品以下官爲之厥後或稱成均試或稱南省試監試始此

李穡十韻詩序曰百字科未知所從起也近世以百字科進者多矣悅軒趙先生簡尤傑然者也自念辛巳科余年十四亦由是科得爲松亭門生平生雖無可稱然比之六韻八脚亦不天地懸隔矣其於國家設科取士之意又不至於大戾矣

靖宗二年判生徒入學滿三年方許赴監試

十一年判五逆五賤不忠不孝鄉部曲樂工雜類子孫勿許赴舉

文宗二年判各州縣副戶長以上孫副戶正以上子

欲赴製述明經業者所在官試貢京師尚書省國子
監審考所製詩賦違格者及明經不讀一二機者其
試貢員科罪若醫業須要廣習勿限戶正以上之子
雖庶人非係樂工雜類並令試解

金成檠撰放榜教書略曰周道熾昌大司徒論陞
俊逸漢風熙盛公車府詔下賢良朕纂居大寶思
振先芬虛襟抱以時思闢榮場而歲課命某官李
子淵主張貢牒澄覈儒縫果推稱物之心光啓登
才之路覽所上太學進士某等詩賦論辭涵古今
理貫神明孔翠羽毛自成於華彩珠璣光澤奚暇

於淬磨諒多秀越之稱合陟平衡之選進士某等
明經某等機神雋朗學識精通今已選辰放榜訖
宜令所司知委王者施行

九年内史門下奏氏族不付者勿令赴舉

十二年式目都監奏康師厚十舉不中例當脫麻然
是堂引上貴曾孫堂引是驅使之官戊子年制電吏
所由注膳幕士驅使門僕子孫登製述明經及雜科
或成軍功者許升朝行又丙申年制雜路人子孫蒙
恩入仕者合依父祖仕路今師厚不宜脫麻從之
十六年國子司業黃抗之考試國學諸生署科甚濫

命中書舍人鄭惟產改試惟產請行封繭之法

貢明封繭

之法始此

十九年王御文德殿覆試進士侍御史盧朝奏事忤旨王怒將縛之平章事崔惟善奏人臣有罪當付憲司王怒稍霽然竟罷試惟十上不第者恩賜出身

二十九年命凡科舉或三四五十年闕榜州縣人若登製述明經科給田十七結或百年後登第者給田二十結奴婢各一口

三十年判國制製述明經明法明書明筭業出身初年給田甲科二十結其餘十七結何論業出身義理

通曉者第二年給田

三十三年判三禮何論政要業監試於諸業畢試後
國子監與本業員試取

三十六年吏部尚書崔彙知貢舉取士放榜時太學
生田德祖等於論場私坼官封詩賦名紙事覺命來
春改試

宣宗卽位詔進士以下諸業自今許三年一試

元年判三禮三傳業亦前代取人之典不可停廢三
禮業以禮記二十卷爲徧業大經貼經十處通六以
上挿籌十處破文通口問口對義理通六以上以周

禮儀禮爲小經一經挿籌十處破文通義理通六以
上一經破文讀二機三傳業以左傳爲肄業大經貼
經十處通六以上挿籌十處破文通義理通六以上
以公羊穀梁傳爲小經一傳挿籌十處破文通義理
通六以上一傳只讀二機

八年判內侍人吏行卷依披藍赴舉例試前爲限納
之又進士遭父母喪者其業未選前服闋則行卷家
狀修送貢院雖限內姓名未錄許令赴試諸業舉人
亦依此例

獻宗卽位定製述明經諸業監試隔一年試選

肅宗二年賜金富轍母米四十石舊制三子登科歲給母太倉米三十石以富轍兄弟四人登科加賜十石遂以爲常

七年式目都監奏三禮三傳業出身者不別錄用漸致衰微今後爲先量叙後生業此者國子監勸勵制可

御史臺奏四門進士李齊老盲僧法宗之子不合應舉王曰孔子謂仲弓曰犁牛之子騂且角雖欲勿用山川其舍諸科目將以求賢齊老苟有才學豈可以父故廢之可令赴舉

詔進士明經十舉不第者許令脫麻

召投化宋進士章忱賜別頭乙科及第因賜紅牌鞍馬

睿宗二年放榜教曰進士安永祚等三人未獲綴行
而出退舍飲墨之羞念十載之積功賜一官而通仕
仍令釋褐霑纓可恩賜出身

後以
爲例

金富弼撰放榜教書略曰百朋均錫周家垂莪育
之詩千佛配名唐室重桂科之勝皆所以勸善進
賢之軌範化民成俗之權輿自古通規于今急務
爰命哲人大開選席知貢舉某官任懿同知貢舉

某官朴景綽等以貼經詩賦時務策問選取所上
國子進士韓卽由等學優至穀藝熟穿楊抱璞家
家自來者六百餘士吹竽一一主擇者二十七人
卽由等四人可賜乙科及第鄉貢進士李湜等八
人可賜丙科及第良醞令同正甄惟綽等十五人
可賜同進士出身者其或明經李揚發等可賜二
科及第崔慶雲可賜三科及第其或進士安永祚
等三人恩賜出身宜令所司知委者

五年改試法始除論試以詩賦策

判製述明經諸業新舉者屬國子監三年仕滿三百

日者各業監試許赴西京則畱守官選上鄉貢則東
南京入牧三都護界首官依前式試選申省

八年引見新及第鄭之元等命左正言胡宗朝押賜
酒食于閣門仍令釋褐

九年賜宋進士林完別頭乙科

十年知貢舉趙仲璋等取進士其合格人對策頗蹈
襲前人落第者訴之王御乾德殿覆試詔諸王宰樞
侍臣坐殿上賜詩題命詞臣製進王亦製之

十一年新及第金精林許允等許令釋褐賜衣酒
判諸業舉人十一月始明經爲先選取進士則明年

二月晝夜平均時選取諸生行卷家狀及試官差定
諸事都省及樞密院國子監敬稟施行諸業初舉及
一度停舉者依式問覈連次赴舉者只考家狀痕瑕
赴試遭父母喪者屬部坊里典及本鄉其人事審官
處問覈二十七朔已滿則考其家狀痕瑕赴舉凡姓
名記錄進士則限十一月二十日家狀行卷終明經
以下則限十一月終限外雜暇已滿者及因公出使
限內不及上京者試日爲限修送貢院

十四年制東堂試始用經義

十五年王頗好聲色國學生高孝冲作感二女詩以

諷之中書舍人鄭克永言於王王不悅孝冲赴是舉
王命黜之遂下獄寶文閣待制胡宗朝上書營救乃
釋之

徐居正曰韓愈感二鳥賦實諷憲宗喜賢不如
喜鳥也今孝冲見王喜聲色有感二女之詩即
愈賦鳥之意也然喜女之害豈但如喜鳥而已
耶王宜悔謝改行之不暇遽命黜試非惟黜之
又令下吏未知竟坐以何律也惜乎王之不明
也向徽宗朝營救之力孝冲幾不免矣

十六年判明經業以下諸業監試司業以上官同各

業員試選

十七年王御紗樓召文臣等刻燭賦牧丹詩安寶麟

爲第一

文臣重
試始此

仁宗五年詔復用詩賦論

九年判防丁監試雖入仕必以詩賦選取

平章事崔滋盛知貢舉吏部侍郎林存同知貢舉
存出賦題云聖人耐以天下爲一家省官奏按耐
古能字今以耐爲韻非是請命他人改試不允因
命滋盛等更試又命題云天道不閑而能久省臺
又奏按禮記云天道不閑而能久鄉本家語云不

閉爲不開者蓋謬誤耳今貢院不考正經而據錯
本請罷滋盛等停今年選舉王命只取經義論可
取者二十五人

十一年判四子登製述明經科者令五部兩京諸州
府郡縣辨報其父母別賜米三十石已沒者超一等
封爵

十四年中書門下奏國學諸生行藝分數十四分以
上直赴第三場十三分以下四分以上赴詩賦場
判凡製述業經義詩賦連卷試取凡明經業試選式
貼經二日內初日尚書徧業貼周易周易徧業貼尚

書各十條翌日毛詩貼十條各通六條以上第三日以後讀大小經各十機破文兼義理通六機每義六問破文通四機又周易徧業讀尚書毛詩春秋各帙一機例隨帙插籌小經謂業經大經禮記凡何論業式真書奏狀小貼喫筭讀何論十機孝經曲禮各二機律前後帙各一機凡明經業監試格莊丁十二機記春秋各三機白丁九機以周易尚書各一機毛詩禮記各二機春秋三機凡書業監試字說文三十卷內白丁三冊莊丁五冊各破文試讀又令真書凡諸州貢士依前定額數有才堪貢選不限其數所貢之

人將申送日行鄉飲酒禮牲用小牢以官物充

禮部貢院奏范仲淹云先策論以觀其大要次詩賦以觀其全才以大要定其去畱以全才升其等級斯擇才之本也我朝製述業於第三決場迭試策論之無着韻偶對者因此詩賦學漸衰今後初場試經義二場論策相遞三場詩賦永爲格式且國學未立前初場試以貼經立學以後兼試大小經義舉子難之今後除兼經義只試本經義

十八年禁貢士求屬明法業者

二十年判東堂監試赴舉諸生赴冬夏大都會許錄

姓名在外生徒各於界首官鄉校都會給狀赴試
二十二年策進士有司初擬金敦中第二王欲慰其
父富軾意陞第一

毅宗元年取升補試任裕公等五十五人充國學卽
生員試額無定制以詩賦經義取士

升補試
始此

三年判兄弟三人登製述明經科者其父授職其母
賜米二十石歿者封贈

五年引見五年以來新及第等賜宴閣門仍令釋褐
金富軾撰放榜教書略曰宗周多士盖由德行之
興炎漢得人亦本賢良之舉肆命知貢舉某官同

知貢舉某官俾之試可各以名聞雖鑑照之間妍媸各辨而簞揚之際糠粃在前進士某可乙科及第進士某等可丙科及第進士某可同進士出身某進士等可恩賜及第明經某等可本業某科及第許之看榜宜令所司知委者

八年更定初場迭試論策中場試經義終場試詩賦又國學生考以六行積十四分以上者許直赴終場不拘其額仍除三場連卷法

舊制以藍衫就試者例不過三赴時文克謙以刪定都監判官屢舉不中乃曰白衣且十赴藍衫何止三

赴請以五赴爲限朝議從之遂爲恒規

十年賜黃文莊等及第詔曰文莊丙寅科壯元文富弟也兄弟俱占魁科在古罕聞宜準三子登科例歲廩母粟三十碩

明宗四年賜宋進士王逢辰別頭乙科

五年取白龍變等庚癸以來儒風不振舉子纔三百餘人

六年新及第看榜許於街路張樂先是及第者張樂街路以爲榮觀因兵亂久廢至是復之

八年御史臺奏舊制新及第紅牌降使就賜于家迎

待煩費寒進之士不克供辦自今請於簾前賜牌中書門下府駁奏先王之制必降賜于家者將以榮耀里閭使人欽慕况行之已久仍舊便從之

二十二年丙科第四人崔祇義兄祇元祇禮弟祇忠先已登第祇義母以四子登科依例加賞

康宗元年設科入格人康疏屬年最少王曰必假手也使寫策題不克王怒停殿試自今年未十五者毋得赴試

二年中書省劾秘書監李淳中掌南省試誤解試題貶爲南京副留守削進士籍

高宗十七年崔瑀請造新及第儀物以寵之

四十年詔諸業東堂監試各一度進士明經各十度已滿者一度中場入格許令脫麻

四十三年以中書令崔沆歿停科舉

元宗元年以魏文卿兄弟俱爲壯元廩其母

五年始定科舉糊名之法

凡制赴試諸生卷首寫姓名本貫及四祖糊封試前數日呈試院試前日午後貢舉具三場題脚於狀請闕實封進呈王親自拆封各於題上落點封押而出貢舉賁奉到試院試日未明放題越一日

承宣又往坼名而後放榜第二場亦如之至第三場貢舉各於入格卷子背上望科次以啓並依貢院之望而放榜焉

李齊賢曰舊制二府知貢舉而卿監同知貢舉試日天未明知貢舉坐北牀南向同知貢舉坐西牀東向監察奉命坐于南少西上東北向將校執旗分立階下舉子既集卽鎖門貢院吏名呼舉子分處之兩廡立木東西書所試題掛于其上日至禺中承宣奉金印至同知貢舉迎之庭中相揖而進知貢舉避于北壁之後承宣與

同知貢舉升堂兩拜知貢舉出坐北牀下席上
承宣北向兩拜知貢舉亦兩拜然後相揖而坐
承宣坐東牀西向與同知貢舉相對吏抱舉子
所納卷以進承宣開金印印卷內侍致黃封之
醕知貢舉同知貢舉與承宣拜賜就床飲畢又
拜謝承宣廻同知貢舉揖送于庭三場皆如之
第一第二場承宣來開印卷之封放榜於試院
第三場則簾前放榜矣

七年命新及第綴行令八坊廂父老士庶笙歌盛服
隨往以寵之

十二年放監試榜蒙使趙良弼焦天翼等往觀曰真盛事也吾等聞之久矣乃今得見亂離之餘不墜文風如此良可嘉也

忠烈王二年命內侍佐郎郭預以六韻詩試世子府侍學公子

四年賜李伯琪等及第以旱不賜花

六年王以詩賦親試文臣取書籍店錄事趙簡等賜黃牌籍內侍王畱意詩文親試文臣中者謂之殿試門生待遇異常殿試之制唯試當年登第者僧祖英得幸於王請不限登第久近並赴將其姪子宜等試

藁達王請圻糊封定科目取十五人以子宜爲首餘皆親舊王召朴恒令與祖英第高下祖英恐事不濟乃言曰者上見子宜詩賦等已定乙科何必改爲恒遣中使白王請與旋題員郭預等考定及榜出趙簡居首皆非祖英所定

徐居正曰科舉糊名之法始於元宗其制至嚴且公其主司試垣者則有貢舉知貢舉二人必用當代文臣之有重望者爲之忠烈專尚詞賦立親試殿試之法已非舊制矣祖英何物老僧乃以已意變易殿試之法而紛更之旋去糊名

之法不論人才之賢否舉業之精粗一切皆取
子姪親舊而舉之夫設科取士將欲致用也故
古之明君任主司惟其人崇雅黜浮選之公擇
之精得人爲盛今王以斯文權衡之重假之異
端匪人之手徇私廢公大毀選舉之法不有朴
恒郭預選取之公則老髦之術終必得售而所
失尤益甚矣惜哉

李晬光曰登科者紅紙題名自宋已然而按高
麗忠烈王時趙簡爲第一人及第賜黃牌以此
觀之前朝時則似用黃紙矣但高麗史凡登科

給紅牌云黃則無乃出於特命耶

十二年監試試員林貞杞享王珍膳花果豐侈無比
故事掌試放榜後宴賀客凡三日近年先試享王謂
之品呈蓋以宴品先呈于王也遂爲常例

十三年宰相蔡仁規子禰中第居同進士頭舊制乙
科三人丙科七人同進士二十三人世以同進士頭
宦不達人皆惡之指爲同頭王爲禰嫌之問於承旨
李混混云可加丙科八人置禰其末從之

二十八年親試各賜白銀三斤馬一匹

賜朴理等及第丙科第一人許冠珙之子宋玠之

堦舊制六品以上不許赴試雖拜六品不謝則聽
赴舉冠拜郎將四年不謝玠曰宦途多門何必登
第冠曰先人遺予紙使之赴試予雖屢舉不中而
紙尚在何敢欲速進而廢父命耶王素聞其名召
至簾前特賜犀帶

忠宣王卽位教曰諸業東堂監試各許一度進士明
經赴舉已滿十度者亦許脫麻

忠肅王元年元遣使來頒科舉詔

遣三司使權漢功如元陳慰兼賀始行科舉

二年潘王改東堂爲應舉試

東堂及第者
使應舉于元

四年設九齋朔試時監試廢已久始以朔試代之
七年改朔試爲舉子試

右代言許富掌是試富不解文字唯取榜頭一人
其餘不分優劣以坼名先後書之

教曰近以選上國應舉秀才而廢考藝試成均七館
諸生皆赴初場未合古制其令依舊皆赴考藝試定
其分數直赴中場

賜崔龍甲等及第李齊賢朴孝修所取也革詩賦用
策問

王嘉孝修清白賜銀篚五十米百石令辦學士宴

國俗掌試者謂之學士門生稱之曰恩門門生座主之禮甚重學士有父母若座主在旣放榜必具公服往謁而門生綴行隨之學士拜於前門生拜於後衆賓雖尊長皆下堂庭立俟禮畢揖讓而升以次拜賀於是學士邀至其第奉觴稱壽

曹仲曰麗制四品帶紅鞢謂之假紅三品謂之眞紅廉廷秀之掌試也其座主李穡以其座主金松亭所畱犀帶與之云柳璈之掌試也其座主任景蕭解所帶烏犀紅鞢以帶之曰卿門下有如卿者出其以此帶與之此紅鞢授受之所

起也麗之座主門生嚴如父兄子弟囑托指揮
不敢辭避座主旣歿而門生有不順則夫人招
呼面責之以故甚重知貢舉之職本朝則不然
僅如堂上郎廳間耳

十七年始令舉子誦律詩四韻一百首通小學五聲
字韻乃許赴試

忠穆王卽位改定初場試六經義四書疑中場古賦
終場策問

三年賜金仁琯等及第知貢舉陽川君許伯同知貢
舉韓山君李穀徇私多取世家不學子弟憲司彈之

不出新及第依牒仁琯連魁三場賜馬紅鞵許着金花帽王親授紅牌

令將軍郭允正領忽只明禁試圍

命新及第四日成行尋令六日成行舊制凡登科者賜藍袍犀帶戴花張蓋以榮之

恭愍王元年典理判書白文寶上疏論選法請行宋司馬光十科舉士之制

九年司天臺以天文失序請徵賢用士行科舉

十一年洪彥博柳淑掌試復用詩賦

十二年教比年外吏規免本役多以雜科出身以致

鄉邑彫廢自今只許赴五科毋令與於諸業

十四年李仁復李穡建議禁舉子挾冊易書試卷以防假濫

十六年林櫟上書請科舉依中朝搜檢通考之法十七年罷國子監試

王欲選三品官通經者爲試官辛旽欲以監察大夫孫湧爲之宦者李剛達欲以判典校寺事李茂芳權思復爲之王惡其爭乃曰監試所取例皆童蒙非經明行修之士無益國家罷之

幸松山賜李詹等及第

初辛旽深銜李齊賢以其老不得害乃謂王曰儒者稱座主門生布列中外互相干謁恣其所欲儒者之有害如此時藝文館再以三館員少請行科舉王素疑署科或濫且重違旽意不許至是乃幸九齋親試用經義

十八年李穡知貢舉始用元鄉試會試殿試之制易書通考之法定爲常式

權近年十八中丙科及應臚王怒曰彼少者亦登第耶知貢舉李穡對曰其器將大用不可少之也王意乃解

十九年 明太祖皇帝遣侍儀舍人卜謙來頒科舉
程式詔曰高麗安南占城等國如有經明行修之士
各就本國鄉試貢赴京師會試不拘額數選取
二十年教自今年未滿二十五歲者毋得赴舉
二十三年教各道鄉試諸生各於本貫赴舉已有成
規今諸生或有赴他道試者毋赴會試

舉子於試卷或有不錄年甲者王怒其違制停放
榜

辛禡二年復行進士試

政堂文學洪仲宣革林樸所建對策取士之法復

以詩賦取士罷鄉試會試殿試議者非之

五年諫官上言玄陵崇信經學養士取人近年以來詩賦取士專尚詞章經學漸廢今後一遵玄陵已酉年科舉之法禍納之

權近言州縣吏輩規免本役稱明書地理醫律業皆無實才出身免役鄉吏日減守令無所役使是以州縣僅存之吏皆生覬覦之心乞東堂雜業監試明經依舊例鄉吏三丁一子許赴試

十年設成均試取士

初德宗試國子試至恭愍王廢而不行及禍時復

試成均試是時代言尹就掌試皆取勢家乳臭之

童時人譏之以爲紅粉榜

兒童好着粉紅衣故云

十一年賜禹洪命等及第

是科盧氏

辛禰嬖姬

弟龜山宦官李匡從者文允慶等

赴焉故事初場不合格者不得入中場終場亦如之龜山童駮不辨魚魯見斥中場禍怒欲罷試試官廉國寶鄭夢周等遽取之允慶於初場竊書其友策夢周黜之國寶不可并取之崔瑩戲之曰前月監試學士尹就棄寒士取昏童致天大雹盡殺我麻今東堂學士復致何等天變耶

十二年李穡知貢舉復用策問嚴立禁防舉子年未滿二十不許赴舉

舊例知貢舉享王禍以穡師傅敬重之親執手欲對穡穡固辭禍親牽內廐馬賜之

辛昌令科舉之法一依已酉之規以時舉行州縣之學貢士不充額數者罪及守令

恭讓王元年趙浚等上書曰今之學者以雕篆之學幸中科第從仕之後盡棄所業昧於施措以負國家崇儒重道之意願令聚各年及第四品以下對策殿庭中者使掌製教不中者左遷以振儒風

高麗登科總目

光宗九年翰林學士雙冀知貢

舉取進士賜甲科崔暹等二人明經三人卜業二人及第 十一年雙冀取進士賜甲科崔光範等七人明經一人醫業三人及第 十二年雙冀取進士賜王舉等七人明經一人及第 十五年趙翌取進士賜金策及明經卜業各一人及第 十七年王融取進士賜甲科崔居業等二人及第 二十三年王融知貢舉金柅同知貢舉取進士賜楊演等四人及第 二十四年王融取進士賜白思柔等二人及第 二十五年王融取進士賜韓

藺卿等二人及第 景宗二年親試進士賜甲科
高凝等三人乙科三人及第 四年王融取進士
賜甲科元徵衍等及第 成宗二年王融取進士
賜崔行言等五人及第 同年崔承老李夢游劉
彥儒盧奕取進士王覆試賜甲科姜殷川乙科二
人明經一人及第 三年王融取進士賜乙科李
琮丙科二人及第 四年王融取進士賜乙科秦
亮丙科二人及第 五年李夢游取進士賜崔英
藺等及第 六年李夢游取進士賜甲科鄭又玄
明經一人卜業一人醫業二人明法業二人及第

七年王融取進士教賜乙科李緯等二人丙科
二人醫業二人及第 八年王融取進士賜乙科
崔得中等十人丙科八人明經一人卜業二人及
第 十年白思柔取進士賜甲科崔沆乙科六人
明經三人及第 十二年崔暹取進士賜甲科李
維賢等二人乙科三人同進士五人明經三人明
法三人及第 十三年王融取進士覆試賜甲科
崔元信等四人乙科四人明經九人及第 十四
年白思柔取進士覆試賜甲科李子琳乙科四人
明經三人及第 十五年崔暹爲都考試官取進

士賜甲科郭元等四人乙科三人明經六人及第
十六年知貢舉柳邦憲取進士穆宗元年賜邦
憲所舉甲科周仁傑等二人乙科三人明經七人
明法五人明書三人明筭四人三禮十人三傳二
人及第 同年崔成務取進士賜甲科姜周載等
七人乙科二十五人同進士十八人恩賜一人明
經二十人明法二十三人明書五人明筭十一人
及第 三年柳邦憲取進士賜甲科宋翊等八人
乙科七人明經八人及第 五年崔成務取進士
賜乙科朴元微等三人丙科六人明經十九人及

第七年崔沆取進士賜甲科黃周亮等五人乙科十人明經四人及第 八年崔沆取進士賜甲科崔冲等七人乙科十人明經三人及第 十年高凝取進士賜乙科趙元等二人丙科四人明經三人及第 十一年蔡忠順取進士賜甲科孫元仙等四人乙科五人明經二人及第 顯宗即位姜邯贊取進士賜甲科安昌齡乙科四人同進士三人明經二人及第 元年孫夢周取進士賜甲科徐崧丙科六人同進士一人明經三人及第 四年金審言取進士覆試賜乙科林維幹等三人

丙科三人同進士二人明經一人及第 五年周

佇取進士賜禹賢符等十一人及第 七年李龔

取進士覆試賜金顯等九人明經五人及第 八

年郭元取進士賜乙科鄭倍傑丙科五人同進士

五人及第 九年金猛取進士賜乙科黃靖丙科

四人同進士四人明經十人及第 十一年劉徵

弼取進士覆試賜乙科李元顯丙科三人同進士

六人明經三人及第 十二年李龔取進士覆試

賜甲科趙霸丙科一人同進士五人明經四人及

第 十四年黃周亮取進士覆試賜丙科張喬等

二人同進士二人明經二人及第 十五年劉徵
弼取進士賜丙科李子淵等二人同進士七人明
經十人及第 十七年崔冲取進士賜甲科崔貺
等二人丙科二人同進士七人明經一人及第
十九年李作仁取進士覆試賜乙科鄭在元丙科
二人同進士七人明經一人及第 二十一年朴
有仁取進士覆試賜乙科崔惟善等十八人及第
德宗元年李作忠取進士賜乙科白可易等三
人丙科六人恩賜四人及第 二年朴有仁取進
士賜丙科崔希穆等五人同進士三人明經二人

恩賜二人及第

靖宗元年崔冲取進士賜乙科

金無滯等四人丙科四人同進士六人明經一人

及第 三年黃周亮取進士詔賜乙科盧延霸等

四人丙科四人同進士三人明經二人及第 五

年林惟幹取進士賜乙科黃杭之等五人丙科八

人同進士五人明經二人恩賜一人及第 七年

黃周亮取進士賜乙科俞暢丙科四人明經五人

及第 十年李作忠取進士賜乙科金元鉉等四

人丙科五人同進士七人明經二人恩賜二人及

第 十二年崔融取進士賜乙科李仁挺等四人

丙科六人同進士七人明經一人及第 文宗元年鄭倍傑取進士賜乙科金鼎新等二人丙科九人同進士六人明經三人及第 三年金廷俊取進士覆試賜乙科朴仁壽等二人丙科七人同進士六人恩賜一人明經四人及第 五年李子淵取進士賜乙科崔錫等七人丙科六人同進士六人明經三人及第 七年崔惟善取進士賜乙科禹相等六人丙科九人同進士六人明經二人及第 八年金顯取進士賜乙科柳善餘等六人丙科八人同進士十一人明經二人及第 十年李

令幹取進士覆試賜乙科李幹方等二人丙科四人同進士七人恩賜二人明經四人及第 十一年趙霸取進士賜乙科李俊等三人丙科九人同進士二人明經四人及第 十三年金化崇取進士覆試賜丙科楊信麟等八人同進士九人明經四人恩賜四人及第 十五年崔惟善取進士賜乙科羅繼含等六人丙科八人同進士六人明經二人及第 十七年金行瓊取進士覆試賜乙科洪器等四人丙科十四人同進士十二人明經一人恩賜五人及第 二十年盧寅取進士賜乙科

高仲臣等三人丙科七人同進士四人明經二人
及第 二十二年崔尚取進士覆試賜乙科崔駟
等二人丙科五人同進士十人明經二人恩賜一
人及第 二十四年金行瓊取進士覆試賜乙科
崔翼臣等三人丙科七人同進士十一人恩賜二
人明經一人及第 二十六年李成美取進士覆
試賜乙科朴維恪等二人丙科十一人同進士九
人明經二人及第 二十七年鄭惟產取進士二
十八年命太子覆試惟產所取進士賜乙科李嘏
等二人丙科十人同進士十四人明經二人及第

三十年李靖恭取進士覆試賜乙科李昱等二
人丙科七人同進士二十一人明經二人及第
三十二年文正取進士命太子覆試賜乙科禹元
齡丙科七人同進士十二人明經三人及第 三
十四年盧朝取進士賜乙科金尚碑等二人丙科
九人同進士七人明經三人及第 三十六年崔
奭取進士崔淵等十九人 三十七年崔奭朴寅
亮取進士賜乙科陰鼎等二人丙科六人同進士
六人明經三人恩賜一人及第 宣宗元年崔思
諒金上琦取進士賜乙科高旻翼等三人丙科七

人同進士六人明經四人及第 二年盧朝李預
取進士賜乙科金駿等三人丙科七人同進士十
二人明經三人恩賜二人及第 三年李子威
覲取進士覆試賜乙科朴景伯等四人丙科八人
同進士十八人明經三人及第 五年崔奭崔思
諏取進士賜乙科金富弼等五人丙科七人同進
士十一人明經三人恩賜一人及第 七年金良
鑑孫冠取進士覆試賜乙科李景泌等三人丙科
九人同進士十四人明經二人恩賜三人及第
九年金上琦伍咸庶取進士覆試賜乙科金成等

五人丙科十人同進士十八人明經三人恩賜二人及第 十一年李預魏繼廷取進士賜乙科鄭克恭等二人丙科九人同進士十七人明經四人恩賜四人及第 獻宗元年柳奭崔弘嗣取進士賜乙科俞進等三人丙科九人同進士十四人明經三人恩賜三人及第 肅宗元年崔思諷林成槩取進士覆試賜乙科金輔臣等五人丙科十人同進士十五人明經四人恩賜四人及第 二年黃瑩庾哲取進士覆試賜乙科林元通等五人丙科十人同進士十八人明經四人恩賜四人及第

三年魏繼廷洪器取進士賜乙科李德允等三人丙科八人同進士十六人明經三人恩賜五人及第 五年李顥柳伸取進士覆試賜乙科韓淑朝等三人丙科十一人同進士二十二人明經三人恩賜六人及第 七年尹瓘李宏取進士覆試賜乙科康滌等五人丙科十一人同進士十七人明經三人恩賜五人及第 九年鄭文劉載取進士命太子覆試賜宋瑋等三人丙科八人同進士十六人明經二人恩賜五人及第 睿宗元年崔弘嗣金緣取進士賜皇甫許等三十四人及第

二年任慤朴景綽取韓卽由等 三年李瑋李載

取進士覆試賜盧顯庸等三十四人明經三人恩

賜三人及第 四年李顥金商祐取進士覆試賜

乙科李正升等四人丙科九人同進士十六人恩

賜六人明經三人及第 七年吳延寵林彥取進

士賜乙科鄭之元等三人丙科六人同進士十六

人明經三人及第 九年金緣韓皞如取進士覆

試賜乙科白晞等五人丙科十一人同進士二十

二人明經三人及第 十年趙仲璋朴昇中取進

士王覆試賜金精等三十九人及第 十一年金

峻李壽取進士合格者二十四人王覆試進士二十四人及前赴御試十人鎖廳四人進士八舉不中二十人別喚四人并六十二人賜裴祐等三十人及第 十三年李軌金沽取進士賜金福允等二十三人及第 十五年韓安仁金富僧取進士覆試賜李之氏等三十八人及第是舉并試策武學生 十七年朴昇中金仁揆取進士賜羅景純等三十一人及第 仁宗元年林有文洪灌取進士賜卞純夫等三十人及第 二年金若溫金富軾取進士賜高孝冲等三十七人及第 三年

李之美金富侑取進士賜李陽伸等三十七人及
第 五年李公壽金富轍取進士賜王佐材等三
十三人及第 六年文公仁崔濡取進士賜李元
哲等二十九人及第 八年金富軾康候顯取進
士賜朴東柱等三十二人及第 十年崔滋盛林
存取進士賜崔光遠等二十五人及第 十一年
金富儀洪彝叙取進士賜金于蕃等二十五人及
第 十二年任元斲鄭沆取進士賜許洪材等二
十九人及第 十五年李仲康滌取進士賜李信
等二十八人及第 十六年崔濡李之氏取進士

賜李大有等二十九人及第 十七年金富軾金
端取進士賜崔伋等二十人及第 十八年李之
氏林光取進士賜彭希密等二十六人及第 二
十年王冲權廸取進士賜高儔等三十人明經二
人恩賜五人及第 二十二年韓惟忠崔惟清取
進士賜金敦中等二十六人及第 二十三年任
元斡尹彥頤取進士賜趙文振等三十二人及第
二十四年李仁實崔誠取黃文富等 毅宗元
年金永寬金子儀取進士賜李愈昌等三十二人
及第 二年高兆基庾弼取進士賜柳廷堅等二

十五人及第 四年文公元李之茂取安永有等
六年庾弼任克忠取進士賜金儀等二十七人
及第 同年親試取劉義等三十五人及第 七
年金永錫劉錫取進士賜郭元等三十人明經三
人及第 八年崔允儀金存中取進士賜皇甫倬
等及第 十年李之茂李元膺取進士賜黃文莊
等二十七人及第 十二年李陽升李公升取進
士賜金正明等二十七人及第 十四年金永夫
李知深取進士賜崔孝著等三十三人明經三人
及第 十六年崔允儀李德壽取進士賜李繼元

等二十九人明經三人及第 十七年金永胤金
謁取進士賜李純祐等二十八人明經三人及第
十八年李之茂許弘材取進士賜金元禮等二
十八人明經三人及第 二十年金永胤徐淳取
進士賜朴紹等三十人及第 二十二年金永胤
金光中取張令才等二十七人明經四人 二十
三年許弘材金于藩取李翼忠等二十九人明
宗元年韓就金莘尹取進士賜林遂等二十八人
明經四人及第 二年金闡韓彥國取進士賜張
聞慶等二十九人及第 三年尹鱗瞻文克謙取

進士賜崔時幸等三十二人及第 五年閔令謨
郭陽宣取進士賜白龍變等二十八人明經三人
及第 六年李文鐸韓文俊取進士賜秦幹公等
三十人明經四人及第 七年文克謙廉信若取
進士賜崔基靜等三十五人明經四人及第 八
年韓文俊李應招取進士賜陳光恂等三十人明
經三人恩賜四人及第 十年閔令謨尹宗誠取
進士賜李得玉等二十九人明經三人及第 十
二年韓文俊李知命取進士賜許徵等三十人明
經四人及第 十四年文克謙林民庇取進士賜

琴克儀等三十一人明經五人及第 十六年林
民庇皇甫倬取進士賜宋惇光等三十三人明經
五人及第 十八年林民庇崔証取進士賜李唐
髦等二十九人及第 二十年李知命任濡取進
士賜皇甫緯等三十人明經五人恩賜七人及第
二十二年趙永仁柳公權取進士賜孫希綽等
二十九人及第 二十四年崔瑜賈崔詵取進士
賜金君綬等三十一人及第 二十六年崔詵李
資文取進士賜趙挺觀等三十七人及第 二十
七年崔謹閔公珪取進士賜房衍寶等三十人及

第 神宗元年任濡崔孝著取進士賜田敏儒等
三十三人及第 二年崔詵金平取進士賜崔得
儉等三十三人及第 三年任濡白光臣取趙文
拔等 四年閔公珪金平取進士賜崔宗俊等三
十三人及第 五年金平趙準取進士賜黃克中
等三十三人明經四人及第 七年閔公珪安有
孚取進士賜印得侯等三十人及第 熙宗元年
李桂長崔洪胤取進士賜馬仲奇等三十人及第
二年任濡崔坦取進士賜庾亮才等三十三人
及第 四年李桂長琴儀取進士賜皇甫瓘等三

十三人明經六人恩賜二人及第 六年崔洪胤
柳澤取進士賜金泓等三十三人明經七人恩賜
七人及第 七年李桂長趙冲取進士賜姜昌瑞
等三十八人明經五人及第 康宗元年崔洪胤
琴儀取進士賜田慶成等二十九人明經六人及
第 二年李桂長崔甫淳取進士賜許受等三十
一人明經五人及第 高宗元年琴儀蔡靖取進
士賜金莘鼎等二十二入明經五人恩賜三人及
第 二年崔洪胤朴玄圭取進士賜廉翊等三十
一人明經七人恩賜五人及第 三年蔡靖任永

齡取進士賜庾碩等三十人及第 六年趙冲李
得紹取進士賜金仲龍等二十八人明經一人恩
賜七人及第 七年韓光衍李宗規取進士賜朴
承儒等二十九人明經二人及第 九年崔甫淳
金良鏡取進士賜梁檄等三十一人及第 十年
柳澤崔溥取進士賜曹均正等二十九人明經三
人恩賜九人及第 十一年韓光衍崔正份取進
士賜孫琬等三十三人明經四人恩賜六人及第
十二年崔甫淳崔宗梓取進士賜林長卿等三
十八人明經三人恩賜七人及第 十三年崔正份

俞升朝取進士賜吳乂等三十二人明經一人恩
賜九人及第 十五年崔甫淳李奎報取進士賜
李敦等三十一人及第 十七年俞升朝劉冲奇
取進士賜田慶等三十三人明經恩賜各三人及
第 十九年金仁鏡金台瑞取進士賜文振等二
十九人明經二人及第 二十一年李奎報李百
順取進士賜金鍊成等三十一人明經二人恩賜
八人及第 二十三年李奎報朴廷揆取進士賜
乙科朴曦等三人丙科八人同進士十八人明經
三人及第 二十五年李方茂任景肅取進士賜

乙科池珣等三人丙科七人同進士二十人明經
三人及第 二十七年任景肅崔璘取進士賜乙
科張天驥等三人丙科七人同進士四人明經四
人及第 二十八年宋恂鄭晏取進士賜乙科崔
宗均等三人丙科七人同進士二十三人明經二
人及第 二十九年金敞薛慎取進士賜乙科洪
之慶等三人丙科七人同進士十七人明經二人
恩賜八人及第 三十一年任景肅洪均取進士
賜魏珣等三十二人明經二人恩賜九人及第
三十三年崔璘朴暄取進士賜梁貯等三十一人

及第 三十五年洪均閔仁鈞取進士賜金鈞等
三十三人明經三人恩賜二人及第 三十七年
任景肅金孝印取進士賜金應文等二十九人明
經三人恩賜八人及第 三十九年崔滋皇甫琦
取進士賜乙科柳成梓等三人丙科七人同進士
二十三人明經五人恩賜六人及第 四十一年
趙脩尹克敏取進士賜尹正衡等三十三人明經
二人恩賜五人及第 四十二年崔溫金之岱取
進士賜乙科郭王府等三人丙科七人同進士二
十三人明經二人恩賜二人及第 四十五年崔

滋洪縉取進士賜張漢文等三十三人及第 元
宗元年李藏用柳璈取進士賜乙科魏文卿等三
人丙科七人同進士二十一人明經二人及第
二年金之岱鄭芝取進士賜乙科鄭謙等四人丙
科七人同進士十九人明經一人及第 三年柳
璈俞千遇取趙得珠等 五年崔允愷朴倫取進
士賜金周鼎等二十五人及第 七年洪縉郭汝
益取進士賜閔漬等二十七人明經一人恩賜二
人及第 九年柳璈金皚取進士賜尹承琯等三
十三人明經二人恩賜八人及第 十三年元傳

許珙取進士賜金滉等三十三人恩賜七人明經
一人及第 十四年金坵李顥取進士賜鄭賢佐
等二十九人明經一人及第 十五年俞千遇張
鎰取進士賜朱錠等二十五人明經一人恩賜三
人及第 忠烈王元年韓康朴恒取進士賜崔之
甫等二十五人明經一人及第 二年許珙薛公
儉取進士賜李益邦等三十三人明經一人恩賜
三人及第 五年朴恒郭汝弼取進士賜趙簡等
三十三人明經二人恩賜八人及第 六年元傳
白文節取進士賜李伯琪等三十三人明經一人

恩賜一人及第

同年親試文臣取書籍店錄事

趙簡等九人

八年李尊庇郭預取進士賜崔伯

倫等三十二人及第

十年金周鼎權昶取進士

賜趙宣烈等三十三人明經二人恩賜一人及第

十一年薛公儉崔守璜取進士賜郭麟等三十

一人及第

十二年韓康李益培取進士賜李櫟

等三十一人及第

十四年許珙安珣取進士賜

尹宣佐等三十三人及第

十六年鄭可臣金賸

取進士賜崔咸一等三十一人及第二十年安

珣閔漬取進士賜尹安庇等三十三人及第二

十一年鄭可臣金恂取進士賜姜暄等二十七人
及第 二十六年全昇鄭允宜取進士賜李資歲
等三十三人及第 二十七年權永趙簡取進士
賜盧承綰等三十三人及第 二十八年吳祈池
禹功取進士賜崔凝等三十三人及第 同年親
試取乙科曹匡漢等二人丙科五人 二十九年
金台鉉尹金祐取進士賜朴理等三十三人及第
三十一年鄭璿宋璘取進士賜張子贊等三十
三人及第 三十三年許有全李顥取進士賜安
奮等三十三人及第 忠宣王五年權漢功崔誠

之取進士賜安震等三十三人及第 忠肅王二年李瑱考試官尹奕同考試官取進士賜什仁幹等三十三人及第 四年朴全之白元恒取進士賜洪義孫等及第 七年李齊賢朴孝修取進士賜崔龍甲等三十三人及第 十三年權準朴瑗取崔元遇等 十七年安文凱知貢舉李湛同知貢舉取進士賜宋天鳳等三十三人明經恩賜各二人及第 忠惠王元年韓宗愈李君佺取進士賜周贊等三十三人及第 忠肅王後五年蔡洪哲安珪取進士賜南宮敏等三十三人及第 忠

惠王後元年金永肫安軸取李公遂等 後二年
李君佺金光載取進士賜安元龍等三十三人及
第 後三年金稹辛裔取進士賜李資乙等三十
三人及第 後五年朴忠佐李蒨取進士賜河乙
沚等三十三人及第 忠穆王三年許伯李穀取
進士賜金仁琯等三十三人及第 恭愍王二年
李齊賢洪彥博取進士賜乙科李穡等三人丙科
七人同進士二十三人明經二人及第 四年李
公遂安輔取進士賜安乙起等三十三人及第
六年李仁復金希祖取進士賜廉興邦等三十三

人及第 九年金得培韓方信取進士賜鄭夢周
等三十三人及第 十一年洪彥博柳淑取進士
賜朴實等三十三人及第 十四年李仁復李穡
取進士賜尹紹宗等二十八人及第 十七年辛
九齋親試賜李詹等七人及第 十八年李仁復
李穡取進士賜柳伯濡等三十三人及第 二十
年李穡田祿生取進士親試賜金潛等三十一人
及第 二十三年李茂芳廉興邦取進士王親試
取金子粹等三十三人賜及第 辛禡二年洪仲
宣韓脩取進士賜鄭揔等三十三人明經四人及

第三年安克仁權仲和取進士賜成石珣等三十三人及第 六年廉興邦朴彤取進士賜李文和等三十三人明經六人及第 八年安宗源尹珍取進士賜柳亮等三十三人及第 九年禹玄寶李仁敏取進士賜金漢老等三十三人及第 我太宗大王登丙科第七人 十一年廉國寶鄭夢周取進士賜禹洪命等三十三人及第 十二年李穡廉興邦取進士賜孟思誠等三十三人及第 辛昌卽位鄭道傳權近取進士賜李致等三十三人及第 元年柳源李種學取進士賜金汝

知等三十三人及第 恭讓王二年成石磷趙浚
取進士覆試賜李慥等三十三人及第 四年僖
長壽李元紘取進士覆試賜金縷等三十三人及
第

國子試總目

試員以三品以下
官爲之額無定制

德宗初年命右

拾遺廉顯取鄭功志等六十人

文宗三年金尚

賓取韓復等三十九人

二十五年高維取七十

五人

宣宗八年李顥取金蓋等九十一人

睿

宗元年李載取安之忠等八十九人

十一年洪

瓘取俞坦升等九十九人

十二年金沾取王存

等一百三人 仁宗十七年林光取林景等 十
八年崔誠取韓梓等 十九年李仁實取卓光裕
等 二十一年朴景山取皇甫存等 二十三年
金永寬取朴彥猷等 二十四年張脩取金大年
等 毅宗元年李之茂取朴綬等 二年崔允儀
取詩賦梁忠贊等十一人十韻詩朴有時等八十
人 三年鄭襲明取詩賦吳光允等十四人十韻
詩趙挺時等四十人 五年金永胤取詩賦高英
瑾等十五人十韻詩河挺材等七十二人 七年
劉碩取詩賦金世賴十韻詩李東粹等 八年李

元膺取詩賦朴世南等十八人十韻詩金遇等九
十三人明經五人 九年李公升取詩賦金端寶
十韻詩黃文莊等百餘人 十一年崔應清取李
陽秀等一百餘人 十三年李德壽取七十八人
十五年金謁取高克中等八十三人明經五人
十七年尹鱗瞻取鄭成澤等九十四人 十八
年崔祐甫取金謀直等一百人 十九年徐淳取
詩賦金滕等十五人十韻詩九十人明經五人
二十一年金敦中取閔湜等 二十二年鄭肅忠
取王光純等 二十三年金敦時取林廷等 明

宗元年柳德林取詩賦李希祐等十三人十韻詩
李世卿等七十六人明經八人二年高子思取
金光祖等一百十五人三年廉信若取詩賦金
徵魏等二十八人十韻詩李滋祐等七十八人
五年閔令謨取詩賦承丘源等十二人十韻詩方
希進等六十人六年崔汝諧取詩賦李晉升等
八人十韻詩鄭世俊等三十八人明經一人七
年崔遇清取詩賦朴敦章等十五人十韻詩金角
章等六十八人明經三人九年李文中取李陟
高等八十一人十一年林民庇取洪永植等八

十九人 十三年崔謹取詩賦吳夢霖等十人十
韻詩金瑀等八十九人明經六人 十五年趙永
仁取詩賦崔文牧等十韻詩丁光祐等明經五人
十六年皇甫倬李知命崔詵取梁公俊等三十
二人明經五人 十七年金英富取池宗濬等八
十人明經九人 十九年柳公權取詩賦鄭守剛
等十九人十韻詩李奎報等六十二人 二十一
年李純祐取洪儼等 二十五年張自牧取詩賦
申叙等二十一人十韻詩李膺賁等八十六人明
經十三人 二十七年王儀取百人 神宗元年

金平取詩賦智大成等十韻詩段世儒等九十一人明經七人二年李桂長取詩賦陸永儀等二十人十韻詩李唐仁等七十五人明經五人三年高瑩中取詩賦陳澤等二十二人十韻詩魯元規等七十三人明經七人四年崔弘胤取詩賦鄭公札等二十二人十韻詩朴維弼等七十人明經五人五年安有孚取詩賦秦陽胤等十四人十韻詩宋咸等七十三人明經五人六年崔孝思取詩賦金命予等二十一人十韻詩李世興等七十二人明經七人熙宗元年李願取李歲等

九十人 三年張允文取詩賦金南石等十韻詩
權時偉等九十餘人 五年趙冲取詩賦秋永壽
等十六人十韻詩申季伯等五十人 七年蔡靖
取詩賦鄭宗諤等二十人十韻詩鄭弘柱等六十
九人 康宗元年崔甫淳取詩賦閔檄等二十八
人十韻詩魏大輿等六十二人明經二人 二年
李淳中取詩賦陳敷十韻詩金革良等八十一人
明經十五人 高宗元年朴玄圭取詩賦尹得之
等二十五人十韻詩張貂等六十二人明經十人
二年任永吟取金文老等八十六人明經六人

三年李得紹取文昌瑞等五十八人明經六人
六年崔宗靜取詩賦金守堅十韻詩蘇文悅等
六十七人明經五人 七年金良鏡取詩賦陳昌
德等二十四人十韻詩徐子敏等三十六人明經
一人 八年崔先朝取李陽茂等八十六人 十
年劉冲基取韓景允等六十人 十一年俞升朝
取詩賦金璨十韻詩梁龍藏等七十四人明經一
人 十二年李奎報取詩賦李惟信十韻詩元良
允等六十六人明經三人 十三年崔宗藩取詩
賦庾松栢十韻詩張良允等五十九人明經二人

十四年庾敬玄取詩賦俞亮十韻詩高宗賚等
七十一人明經二人 十六年取詩賦金良純等
二十人十韻詩盧希管等五十三人 十八年任
景謙取詩賦李朝等二十五人十韻詩李仁等四
十一人 二十年李百順取詩賦康洪正十韻詩
曹伯等七十人明經一人 二十四年金敞取詩
賦吳壽十韻詩曹希甫等八十一人明經四人
二十七年宋國瞻取詩賦吳恂十韻詩李石崇等
四十人 二十九年閔仁鈞取詩賦權翊十韻詩
劉勃忠等七十四人明經二人 三十年趙伯琪

取詩賦韓璟等二十人十韻詩六十人明經二人
三十二年庾弘取詩賦閔陽宣等二十九人十
韻詩朴文正等五十八人明經二人 三十四年
崔滋取詩賦鄭淳十韻詩廉守貞等九十人明經
五人 三十六年趙修取詩賦孫昌衍十韻詩鄭
一麟等九十五人明經六人 三十八年李淳牧
取詩賦盧元等三十九人十韻詩明經并六十人
四十年李藏用取詩賦金仲偉等三十人十韻
詩金命等六十人明經八人 四十一年河千朝
取詩賦李邵等三十三人十韻詩郭洪祚等五十

二人明經三人 四十二年柳璩取詩賦王胤等
三十四人十韻詩李受庚等五十四人明經四人
四十四年崔允愷取詩賦林春壽等十七人十
韻詩黃公石等二十七人明經一人 四十五年
韓就取李源等六十五人 元宗元年許遂取詩
賦吳漢卿等八十人十韻詩金得鈞等二十五人
明經一人 二年俞千遇取詩賦金守衍等二十
一人十韻詩林杞等三十五人 四年鄭義取金
良裕等五十五人 六年任睦取朴安等 八年
金坵取李繪等 十年元溥取方宣老等九十人

十二年韓康取梁淳等五十三人 十四年任
翊取詩賦文貫之等十九人十韻詩梁均等三十
九人明經一人 忠烈王元年李仁成取詩賦金
鉉台等二十一人十韻詩趙戩等四十九人明經
二人 二年朱悅取詩賦李之桓等三十人十韻
詩李緣等二十八人 三年金周鼎取詩賦鄭公
朝等三十一人十韻詩鄭龜等三十九人明經三
人 五年鄭興取詩賦白元恒等三十二人十韻
詩鄭時等三十一人明經二人 八年潘阜取詩
賦朴文靖等三十八人十韻詩安碩等五十一人

明經二人 九年金應文取詩賦李搏等三十八人十韻詩李膺等四十六人 十一年安戩取詩賦尹莘傑等三十一人十韻詩二十四人 十二年崔甸取詩賦任弘基等三十六人十韻詩四十人 十三年林貞杞取李摻等八十五人 十五年李混取金承印等七十人 十八年鄭璿取李彥忠等六十一人 二十一年金暄取李琯等七十餘人 二十二年尹瑤取崔凝等七十餘人 二十五年金台鉉取李蒨等七十餘人 二十六年吳祈取金琅韻等六十九人 二十七年鄭僖

取李鳳龍等七十七人 二十八年朴顥取梁成
梓等七十餘人 二十九年吳演取具桓等九十
九人 三十一年安于器取李文彥等七十三人
忠肅王四年朴孝修掌九齋朔試取金玄具等
七年許富取古賦鄭乙輔十韻詩裴仲輔等八
十餘人 十三年辛葦取李達中等 十七年尹
之賢取孫光嗣等九十九人 忠惠王元年金右
鏐取卓光茂等九十人 忠肅王後八年尹澤取
安元龍等九十九人 忠惠王後元年金稹取梁
允軾等 二年金光載取成元達等 三年取金

鷹等九十九人

忠穆王初年田淑蒙取安保麟

等九十九人

三年鄭思度取詩賦朴形等五十

二人十韻詩金得齊等四十六人

恭愍王二年

宋天鳳取韓達漢等八十二人明經五人

四年

柳淑取全翊等九十五人

六年申君平取李遵

等九十八人

九年李嶠取朴季陽等九十九人

十一年元松壽取許時等百一人

十四年韓

戴取古賦閔安仁等五十五人十韻詩林幹等四

十一人

辛禡二年郭樞取鄭熙等九十九人

三年金濤取鄭悛等九十九人

六年徐均衡取

李汝良等九十九人

八年李崇仁以十韻詩取

李升商等九十九人我

太宗大王登第二榜

九年廉廷秀取禹洪命等九十九人明經六人

十一年尹就取任公緯等九十九人

十二年權

執經取鄭坤等九十九人

辛昌卽位李種學取

孟思謙等九十九人

元年權鑄取黃訥等九十

九人

恭讓王二年閔開取李逖等九十九人

四年李詹取李孟駿等九十九人

臣

謹按東國人登中朝科第者自新羅金雲

卿始其後登唐朝賓貢科者五十八人登五

代梁唐科者又三十一人而其姓名之可考者只金夷魚金可紀崔致遠朴仁範金渥而已逮高麗登宋朝科者有金行成崔罕王琳金成績康撫民權適金端趙奭登元科者有安震崔瀝安軸李穀李仁復安輔尹安之李穡登皇朝科者惟金濤而不可并列於東國科榜故別附於下

東國文獻備考卷之七十五

崇政殿 校正

選舉考二

科制二

本朝 太祖元年定科舉法

王若曰文武兩科不可偏廢國學鄉校增置生徒
敦加講勸養育人才其科舉之法本以爲國取人
稱座主門生以公舉爲私恩甚非法意今後內而
成均正錄所外而按廉使擇其經明行修者開具
年貫三代及所通經書登于成均館長貳所試講

四書五經通鑑已上以其通經多少見理精粗第
其高下爲第一場入格者送于禮曹試表章古賦
爲中場試策問爲終場通三場入格者三十三人
送于吏曹量才擢用

鄭道傳曰科舉之法尚矣在周大司徒以六德
六行六藝教萬民而賓興其賢能曰選士升之
學曰俊士升之司馬曰進士在漢曰孝弟力田
賢良茂才在魏晉曰九品中正在隋唐曰秀才
進士其目多矣前朝自光王始用雙冀之言行
科舉法掌選者稱知貢舉同知貢舉試以詞賦

至恭愍王一遵元制革去詞賦之陋然所謂座
主門生之習行之甚久不能遽除 殿下卽位
損益科舉之法命成均館試以四書五經盖古
明經之意也又命禮部試以賦論古博學宏詞
之意也然後試以對策古賢良方正直言極諫
之意也一舉而數代之制皆備武科醫科陰陽
科吏科通事科各以類附見焉

權近請改定科制並試漢吏科

權近上書曰初場罷疑義試講論是抑詞章蹈襲
之弊而務得窮經實學之士然行此法今已數科

亦未有經學傑然之才臣嘗思之學者專務記誦
其於義理之蘊文章之法有不暇致力焉此乃文
才氣習靡然猥瑣之由也乞自今罷講論復試疑
義但業經義一道四書義一道并依前朝舊式其
五經疑一道不許諸經各出宜如四書疑例或單
舉一經或并合他經隨宜設問 中場古賦初學
之士所不能作乞罷古賦試以論表各一道及判
一道 漢吏之文事大要務不可不重今醫譯陰
陽律學皆有科目而此獨無誠闕典乞依前朝明
經科例文科試日并試吏文之士許於正科同榜

唱名其赴文科者有欲并試吏文者正科內加其分數

臣謹按國初有漢吏科其制初試分二場初場試賦詩終場試吏文啓上書會試分三場初場講吏文四書三經漢語中場試表箋記頌終場試排律載在經濟六典至嘉靖壬寅金安國建議復設魚叔權得中初試此載於叔權雜記而此科不見於大典及續錄又不入於國朝榜目始行中廢而然歟

二年設春場試兼取生員

皇明高閏曰 高皇帝冊封胙土以委東藩之
重觀其建學立師開科取士皆詩書六藝之文
而無怪誕不經之說非其知尊孔子勞來匡直
充廣潤色則衣冠文物未能如此

徐居正曰國朝科舉之法糊名券子與高麗同
而餘皆不同其收券官封緘官校同官易書等
事皆遵元制兩頭場始於 世宗朝或講經或
製述隨時不同

張維曰王制大樂正論造士之秀者以告于王
而升諸司馬解之者曰司馬掌爵祿入仕者皆

司馬王之今以生員進士謂之司馬者本此然
周之造士已自鄉學而升于國學此與今之生
進同而所謂升諸司馬者自國學而登仕者猶
今之登科出身也然則我國稱生進爲司馬盖
倣古而未詳者也

定宗元年設科有乙丙等科並設生員進士試

太宗元年以卽祚稱慶設增廣試只舉生員試增廣始此

七年親試文臣於廣延樓下御仁政殿放榜賜重試

恩榮宴于議政府每十年一設堂下止三品以下赴試○文臣重試始此

八年設科並設武科以備龍虎榜國朝武科如此

十一年行式年試裴閏登乙科其子樞登同進士

十四年上幸太學親試士對策五百四十餘道讀

券官河崙等取三人券予以進上曰當依古焚香

祝壯元故事信手抽之乃權蹈也上喜曰予悼蹈

父近之早世今得其子爲壯元聊復自慰顧語崙等

曰此榜乃予門生卿等不得爲自家桃李也崙等終

不受禮謁

路後改名踞○謁聖試士始此

命改置乙科一二三等丁酉復舊制

世宗九年復置乙科一二三等己酉又復舊制戊午
改同進士爲丁科是後或爲乙科一二三等或爲乙

丙丁三等

大明宣宗皇帝登極下勅頒詔遂稱慶設科

賜文武重試恩榮宴于禮曹以府院君趙涓贊成權軫爲押宴官兵曹判書黃象爲赴宴官命左代言金孟成右代言金赭宣醞新恩翌日上箋謝恩

十一年 上幸大學行酌獻禮親臨試士懸題後還宮

李璽曰東方科制在三國則不必問也麗朝五百年其始末未及詳知而中葉之後只三年一取三十三人更無別科我朝亦依前朝有式年

試取之規而臨時取擇或進或退初無定日

英廟右文興學始幸學試製若干人賜紅牌自此遂成別規後有給分赴試之規或直赴會試或直赴殿試或別試或庭試或因事而設或援例而設三年大比通經製述之法漸不如古科舉甚數宜其賢才之輩出而才華賢德之士絕無僅有人才日下矣

二十年式年始置生進兩頭場漢城府南學分所設場以古賦十韻詩行初會試上御勤政殿放榜給

白牌

生進白
牌始此

徐居正曰柳方善趙須同時齊名學問文章相
伯仲焉 本朝開國以後詞學盡廢自戊午始
設進士科中場用詞賦自此詩學始盛皆柳趙
二人訓誨之力也

教曰自今進士試限年二十五以上許赴
二十三年命三館賜宴闕門外時李石亨並魁前年
生進文科三場初試是年又連魁三榜 上喜其得
人即拜左正言知製教命賜恩榮宴

舊例生進放榜時到闕門生員由左挾門入進士
由右挾門入各以榜次至是生進爭壯元互相援

文獻備考
據日野不入 上聞之命開光化門壯元由光化門入其餘生進各由左右挾門

二十四年始令舉人講書先是講書廢專以製述取人舉業者徒事駢儷不讀經書故有是命

魚孝瞻直集賢殿議科舉講經使否曰人各有所長若專用講經則雖長於製述而短於講經者必望絕而之他技宜臨時迭用務要講經居多焉

成俔曰前朝科舉只有知貢舉同知貢舉預先差定未免有紅粉之誦逮于國初思祛舊弊

世宗朝改定格例皆用中國之制前夕吏曹書

試官之可者臨時入啓受點試官承命分往試所三館聚舉子曉頭呼名納棘圍搜挾官分立門外搜括衣襟箱篋文書如有挾持者捉付巡綽官場外則一式年停舉場內則二式年停舉天未明試官出大廳坐三館入庭整均舉子之座天明張榜出題當午收券子踏印還給三館登屋上舉大鍾呼先生臨庭呼新來又書虛榜唱之皆古風也日西鳴鼓促之文成呈于收券官付謄錄官書字號於券兩端又書勘合而分割之一則封名一則所製文也封繡官受封名

退在別處謄錄官聚書寫人等用朱傳寫查同
官讀本草枝同官准朱草進乎試官品題高下
然後令封繡官拆封名而書榜講經之法書字
號於柱貯筒中舉子書所講書名而納之試官
抽柱如抽天字則孝經書所付天字只書大文
以授舉子讀本文釋之試官講論註疏胥吏書
通略粗不四字以爲講籤各置於試官前一書
講畢則胥吏持虛櫟從下以上試官以此點講
籤從多取之相等從下初場講經分數與中終
場製述分數通計其取之非一人閱之非一手

國之公道惟有科舉也

金宗直送金宏弼赴舉詩曰洗眼行看澹墨題
古例榜目以淡墨題之如有造化之迹云

二十六年罷進士試自戊午進士試有限年之制舉
子輩多冒濫至是革之

二十九年親臨慶會樓行重試初取十九人考官難
於高下故特命更試以八駿圖爲題許各體中隨意
製進

文宗卽位申叔舟掌試以權掣擬第四榜既出上
曰掣居幾左右曰第四上令左右進諸試券讀至

第四曰此誠壯元也以御筆書第一跽父子壯元皆御賜也

元年命增廣會試分兩所試取殿試講經四書取一書御思政殿親策

端宗元年復設進士試改十韻詩爲古詩詩賦合爲一場罷限年法

上御慶會樓試士依辛未年例講經兩略以上許赴策試

世祖三年設別試初試設二所講易圖說

別試始此

李浚慶曰科舉每於子午卯酉年爲之設三場

初場試論義二篇中場試賦表二篇終場策問
會試則初場講四書五經能通者許赴中場試
賦表記中二篇終場策問通考取之殿試則策
時務以第高下若遇大慶及親幸學宮則有別
舉時時親行釋奠或不時幸學與師儒講論或
橫經問難或行大射禮或親策儒生

四年 上幸大學命黃守身取士

守身非文
官而掌試

秋行別試文科依例賜蓋武科賜旗尋復舊規

徐居正曰故事文科唱第日賜紅牌及花酒文
武科一等三人別賜皂蓋 世祖朝文科賜蓋

武科賜旗遊街之日癡兒愚婦皆辨其爲武科
武班不悅至是更命給蓋

李浚慶曰凡中科者殿庭唱榜御前賜酒賜花
笏與蓋優人呈戲鼓吹前導三日遊街以榮之
若幸學試取卽日唱榜者並賜鞍馬袍

舊例放榜翌日兩榜俱會文壯元家一時詣闕
謝恩又翌日俱會武壯元家一時謁聖

八年命式年除講經以製述試取

十一年又除講經試製述

十二年 上幸太學試取特命兵曹叅知慎承善赴

舉居魁直拜吏曹叅判

設拔英試命文臣正二品以下赴試金守溫以正憲
居魁卽拜判中樞守溫之子澤亦登同榜三等上
親製小詩曰求賢如渴一見如舊仍命羣臣卽席和
進

上聚公卿宰輔下至流品文官於闕內親製策題名
曰登俊試教曰有志科舉者雖宗親駙馬皆爲赴試
卿等自恃官高祿厚不復畱意於學問文風不振職
此之由予發此試使卿等更礪舊業耳自願製述人
對之右叅贊金礪收券對者三十餘人上御康寧

殿命鄭麟趾鄭昌孫申叔舟等爲讀券官取金守溫
等永順君溥廣平大君之子中第五名上甚喜命取試券

親覽深加褒美賜御衣一領及應榜百官陳賀賜恩
榮宴于議政府命承旨申昞宣醢壯元以下賜紅牌
鞍馬仍畱押宴又命諸考官進叅金守溫等上箋謝
恩上召見于內殿曰古有座主門生之號是科予
當爲恩門宜號是殿曰恩政殿越數日兩殿坐恩政
殿諸人獻爵一如門生座主之禮寵榮備至焉

是科金守溫爲壯元姜希孟爲亞元徐居正爲探
花居正寄詩于姜希孟曰探花三月差遲晚最好

芳菲二月天二月亞元也三月探花也殿試以第

三爲探花郎

十四年 上幸溫陽行別試河城尉鄭顯祖顯祖選

以儀賓特命赴舉

上於溫陽行宮特設重試初試先講書抽柱取略以
上許赴製述命官申叔舟等持入格試券以進崔灝
元所對不稱旨 上曰策中多有陰陽書語必元潛
所取皆罰之以酒顧見世子執灝元試券不釋乃曰
當令灝元蒙世子恩遂置四等永順君溥擢壯元賜
唱翁三名天童二百

式年除講試以製述會試賦表殿試策是科宗室春陽君徠以特命赴舉得中

國初因勝國遺制有乙科丙科同進士之規後入有丁科至是始置甲科而廢丁科以甲乙丙三等爲科次

定及第榮親式

申叔舟作權正卿榮親詩序曰自設科取士士之有志於行道濟世揚名顯親者外是則人不以爲榮故名臣碩儒其進也率多由之國家著令凡中科者必官給酒樂以榮其父母蓋因人

所榮以勸讀書爲儒也

睿宗元年試士于慶會樓下以表策兩試之有能兼製者許之

成宗二年行別試有舉子於鄉試對策言祀佛禳禍者試官斥之上手札下批曰儒生對策之辭予甚憤焉佛之爲害誰不知之况學孔孟者乎宜令有司屏諸遐裔明示好惡

徐居正曰國朝以來文體穩平有一二文士以詭奇崛強之文擢巍科五六年來文體盡變爲西崑今依歐陽公黜劉幾故事黜其甚者文體

稍稍復舊然未能盡變也

八年上御成均館親行釋菜命試儒生赴者千四百人上御射壇酒三遍行大射禮訖考官尹子雲等取士以啓即日放榜陳賀時環橋門觀聽者數十餘人

即日放榜始此

李晬光曰昌慶宮集春門在大學西畔甚近世傳祖宗朝往往便輿出幸太學講論經傳成廟一日御春塘臺由集春門召在泮儒生講經賜第至今以爲美談

九年行別試會試取四書五經中五略二通以上

十一年謁聖試士賜壯元以下內廐馬一匹官備遊街諸具

式年丙科人權敬溫年將七十能通四書五經直拜典籍賜衣一襲

十三年上親行釋菜御明倫堂發策試士金驥孫居魁其兄駿孫爲第二上命陞甲科賜宴公堂

冬設進賢試

十六年貞熹大妃祔太廟稱慶設別試

後以爲例

經國大典

自至是始祖朝換次

諸科三年一試前秋初

試春初覆試殿試文科則通訓以下武科生員進士

通德以下許赴

守令則勿許赴生員進士試

罪犯永不叙用者贓

吏之子再嫁失行婦女之子孫及庶孽子孫勿許赴

文科生員進士試非居本道者朝士見在職者勿許

赴鄉試

若承差受假者不在此限并武科同

試場置二三所舉子與試

官應相避者他所父赴覆試者子避

武科同

○文科十

年一重試堂下官許赴

額數及試法臨時稟旨武科同

○額數分數

同則文科取居館日多者餘科取仕多者○製述每

場上上九分其下以次遞減下下一分

表箋倍給

○初場

講則五經四書俱通者終場上之上者并給十八分

中場俱上之上者二十七分文科所製并易書○講

書通二分略一分粗半分寫字譯語同句讀訓釋皆不差

誤講論雖未該通不失一章大旨者為粗句讀訓釋

皆分明雖通大旨未至融貫者為略句讀訓釋皆精

熟融貫旨趣辨說無疑者為通凡講取粗以上講籤

從多相等從下○文科初試額數館試五十人成均

館錄名試取生員進士居館滿三百日者許赴喪畢後未

滿十五朔者不須滿因老病親受陳省者許赴漢城鄉試漢城

試四十人漢城府同藝文館成均館承文院校書館

七品以下官各一員錄名命官試取生員進士初試同鄉試

京畿二十人忠清道全羅道各二十五人慶尚道三

十人江原道平安道各十五人黃海道永安道各十人觀察使定差使員錄名試取○製述初場五經四書疑義或論中二篇中場賦頌銘箴記中一篇表箋中一篇終場對策一篇明經試四書五經館漢城鄉試則上項九書通略以上者取之○覆試九書中七通二略者取之殿試則製述等第三十三人內取之覆試額數三十三人藝文館奉教以下官同成均館承文院校書館七品以下官及監察講經國大典家禮臨文錄名本曹試取○製述中場終場同初試○講書初場四書三經願講餘二經及子史者聽經書外

臨文○殿試額數甲科三人乙科七人丙科二十三
人○製述對策表箋箴頌制詔中一篇○生員初試
額數漢城試二百人鄉試京畿六十人忠清全羅道
各九十人慶尚道一百人江原道平安道各四十五
人黃海道永安道各三十五人觀察使定差使員錄
名試取○製述五經義四書疑二篇○覆試額數一
百人成均館博士以下官同藝文館承文院校書館
七品以下官及監察講小學家禮臨文鄉吏則又錄
背講四書一經
名本曹試取○製述同初試○進士初試額數同生
員初試○製述賦一篇古詩銘箴中一篇○覆試額

數同生員覆試○製述同初試○文科甲科第一人授從六品餘正七品乙科正八品階丙科正九品階○凡鄉吏中文武科生員進士者特立軍功受賜牌者三丁一子中雜科及屬書吏去官者并免子孫役○五子登科者之親啓聞歲賜米歿則追贈致祭○凡中文武科者賜恩榮宴于議政府榮親宴于本曹啓聞賜酒樂居外者守令設宴親歿者設祭中第一名者賜米○成均館儒生每歲春秋議政府六曹諸館堂上官命題製述科次置簿優等者三人直赴文科覆試○擇四學儒生各二十人每六月聚南學三

品以下文臣三員或講論或製述優等者十人直赴
生員或進士覆試○諸道觀察使量擇道內校生每
六月設都會所差文官三員或講論或製述優等者
慶尚道全羅道忠清道各五人其餘道各三人啓聞直赴生員或進士覆試

○舉子場中挾冊者借述者代述者停二舉

十八年行宗親科講經史朱溪副正深源擢第一賜
酒樂階二品

二十一年 大明皇太子誕生頒詔稱慶試士

二十三年 皇太子冊封頒詔稱慶試士

燕山九年冊封世子行別試

中宗二年金大有於殿庭課試爲壯元命直赴進士
試是年司馬榜金絳俱魁生進生進俱魁者國朝有
李石亨裴孟厚耳金安國少時并魁兩試其時試官
難之抑其一置第二至是安國擢金絳俱居魁諸試
官不可安國曰義之之筆退之之文何不可之有遂
爲兩壯元

八年 上親耕藉田設別試始行講經法

別試講
始此

十年幸大學策諸生以過化存神趙光祖登第其文
皆純於義理

十一年命以五子登科例遣官致祭于李宜茂墓宜

茂有五子菴苓登武科芑荇登文科

十四年 上嚮用儒臣慨然欲興至治廷臣建議曰
我國用人惟科舉一路聚句讀之士較一日之長故
碩德宏儒終老蓬蓽若搜訪遺逸布列朝端卽三代
之美政然先王典章不可輕改則不如薦拔而試取
遵漢世之良法也趙光祖亦啓曰若行此法人才不
患不得也 上可之

議政府禮曹同議啓曰歷代取士之法規制各異難
以遍舉惟西漢孝廉賢良等科最爲近古選取節目
詳悉備具今亦倣此才行兼備可用之人令京外審

覈名實廣薦京中則四館專掌勿論儒生朝士薦報
成均館轉報禮曹中樞府六曹漢城府弘文館亦舉
所知移文禮曹外方則畱鄉所報守令守令報監司
監司更察移文禮曹禮曹合取京外所薦聞具姓名
行實報政府啓聞殿策諸事臨時啓稟謬舉之弊亦
爲可慮舉主姓名并錄憑後 上允之

趙光祖曰近來以不應科舉者爲弊習上之人
不以科舉爲重則人人知上意之所在樂於爲
善而科舉自輕矣

又曰國家取士旣無鄉舉里選之風專倚科第

而世道漸下士習日偷學舉子業者唯務記誦
詞章之習而不知義理之如何教化不興治道
日卑良由於此誠非細故倣漢家明經孝廉之
科內自卿相外及方伯各薦其人作爲一科庶
有益於國家

上御勤政殿親策之入試者百二十人讀卷官申用
漑等科次取掌令金湜 上曰詩云濟濟多士文王
以寧今宜廣取賢才布列朝廷可也且金湜賢者要
得此人將爲師儒之官而恐或不與其取也今居壯
元之列予別有所喜焉又曰今所取之人固皆賢士

予之尤喜者金湜爲首也

議罷賢良科領議政鄭光弼曰初設時以非祖宗之規慮有後弊謂不可爲及旣取之多可用人故惜其人材而謂不可罷此臣之意也 上命勿罷只勿叙顯職柳灌等爭之乃罷

十七年 王世子行冠禮設別試

後以爲例

十九年 王世子入學稱慶行別試

後以爲例

二十三年 上謁 英陵親祭罷御清心樓試士

二十八年取館學到記儒生赴試初試講經三經自

願二經四書抽牲二書講經後製述殿試

到記試士始此

三十一年親臨慶會樓試士使燭刻製進

三十三年設擢英試

三十四年 大明皇帝降勅褒美賜龍衣 上出迎

于慕華館設別試

金安國啓曰我國取士講四書三經力不能給只剽裂口誦以爲試講之計諸儒學識淺陋無該博精通者以此也臣見朱子論科舉規每年試舉時豫令試某經則舉人皆治其經中者能精一經落者亦專一經後試又令試某經則中者專二經也又後如是則諸儒盡治五經今中原科舉專治一

經者亦倣此意式年則已有成法難遽改之別試可依此式使專治經

金安國每以試官入場屋考試精審務得人才必經十五日出榜至今稱之

三十六年 上幸太學試製更試講經取粗以上

大典後續錄

三十九年頒降

生員進士滿圓點一百五十者

雖無屬處許赴鄉漢城試○舉子錄名時四祖非有衆所共知顯官者外方人則保單子及京在所備三員京居人則保單子及當部官員備三員著名進呈後許赴○講書時隔帳試講

仁宗元年命復賢良科

明宗八年親臨明政殿以經書試士

十三年行別試殿試特命次中以上盡賜及第柳祖
詢與其弟祖認換寫試卷祖認登第上章願以歸兄
上許之

臣謹按凡科次自上之上中下二上中下三
上中下至次上中下更外有十四等上之等
其用其廢不可致取三下以上謂之入格者
亦古例近規則卽日放榜與節製外皆取更
以上者未知創於何時也

十九年李珣并魁生員初會試文科又魁初會殿
三試一年之內九魁試製人稱九度壯元後以遠
接使僉天使天使問舌人曰這遠接使有山林氣
像無乃借山林之士爲是任耶對曰遠接使以壯
元及第位躋崇品非山林士也天使曰是做天道
策者耶

二十一年特許良妾孫以下赴文武科

東國文獻備考卷之七十五

